

# 170 peserta kenal pasti kaedah pembangunan sains tanah

Utusan Malaysia 20/4/2011 26

KOTA KINABALU 19 April - Seramai 170 peserta yang terdiri daripada pelajar institusi pengajian tinggi dan pensyarah menyertai seminar Sains Tanah 2011 selama dua hari bermula hari ini.

Pengerusi Jawatankuasa Penganjur, Prof. Madya Dr. Mahmud Sudin berkata, seminar anjuran Persatuan Sains Tanah Malaysia dan Sekolah

Perhutanan Tropika Universiti Malaysia Sabah (UMS) itu bertujuan mencari kaedah dan teknologi terkini dalam pembangunan sains tanah.

"Ia juga turut menarik kehadiran ramai pakar luar negara termasuk dari Jerman, Pakistan dan Indonesia, sekali gus menjadi platform terbaik kepada peserta untuk mem-

bina jaringan kerjasama," katanya dalam ucapan perasmian seminar itu di sini hari ini.

Hadir sama, Naib Canselor UMS, Prof. Datuk Dr. Kamaruzaman Ampun; Presiden Persatuan Sains Tanah Malaysia, Dr. Shahrakbah Yacob dan Dekan Sekolah Perhutanan Tropika Antarabangsa, Dr. Normah Awang Besar.

Tambah Mahmud, seminar kali ini membentangkan 22 kajian saintifik dan 71 kertas kerja yang amat berguna dalam perkembangan sains tanah negara.

"Jadi saya berharap kajian yang dibentangkan itu akan dapat memberi manfaat kepada negara dalam melestarikan pembangunan tanah," katanya.

Dalam pada itu, Kamaruzaman berharap seminar bertema 'Kesuburan Tanah dan Produktiviti Ladang' ini akan dapat mencapai matlamatnya.

Katanya, masalah kesuburan tanah merupakan antara masalah yang sedang dihadapi oleh dunia pada masa ini termasuk di Malaysia.